

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI ŠTAB CIVILNE ZAŠTITE
Broj: 15-40-4-3326-16/20
Bihać, 29.03.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), člana 23. Pravilnika o načinu rada i funkcioniranja štabova i povjerenika CZ („Službene novine Federacije BiH“, broj: 77/06, 05/07 i 42/14), te Odluke o proglašenju stanja prirodne nepogode na području Unsko-sanskog kantona, broj:03-017-1532/2020 od 20.03.2020. godine, Kantonalni štab civilne zaštite na sjednici održanoj dana 29.03.2020. godine, donosi:

N A R E D B U

I

Naređuje se zabrana kretanja građanima na području Unsko-sanskog kantona u vremenskom periodu od 20:00 do 05:00 sati.

Građani na ulici/javnim površinama moraju poštovati epidemiološko-zaštitene mjere (maska, pamučna traka, šal i slično) i socijalnu distancu najmanje 1,5 metar.

II

Iz tačke I ove Naredbe izuzimaju se svi zaposleni koji su uključeni u provođenje mjera i aktivnosti rješavanja stanja nesreće uzrokovane pojavom koronavirusa (COVID 19) na području Unsko-sanskog kantona, radnici preduzeća čiji radni proces je organizovan u smjenama za vrijeme trajanja ove zabrane, kao i vozači teretnih vozila u domaćem i međunarodnom transportu. Isti su dužni posjedovati potvrdu poslodavca ovjerenu i potpisanu od strane odgovorne osobe kojom se potvrđuje da je rad osobe na koju se odnosi potvrda organizovan u smjenama i neophodan za održavanje kontinuiteta djelatnosti, odnosno potvrdu poslodavca o angažovanju vozača, sa navedenim datumom i vremenom početka angažovanja kojom dokazuje poštovanje mjera izolacije, koju izdaje ovlaštena osoba prijevoznika.

Vozač teretnih vozila u domaćem i međunarodnom transportu koji je državljanin BiH, dužan je izolaciju u trajanju od 14 dana ili do odlaska na narednu vožnju provesti na adresi prebivališta ili do odlaska na narednu vožnju provesti na adresi koju sam odredi prilikom izdavanja rješenja o izolaciji.

Prilikom kontrole policijskih službenika, lica iz ove tačke dužna su posjedovati lične identifikacione dokumente, dokaz o radnom statusu (iskaznica određenog organa, zdravstvene ili druge ustanove, novinske agencije, određenog preduzeća isl.), potvrdu poslodavca ovjerenu i potpisanu od strane odgovorne osobe kojom se potvrđuje da je rad osobe na koju se odnosi potvrda organizovan u smjenama i neophodan za održavanje kontinuiteta djelatnosti, odnosno potvrdu o angažiranosti vozača.

Lica za koja se utvrdi da su zloupotrebjavala ili falsifikovala potvrdu poslodavca iz prethodnog stava, biće sankcionisani u skladu sa važećim zakonskim propisima.

III

Za provođenje ove Naredbe odgovorni su ministar Ministarstva unutrašnjih poslova USK-a i komesar Uprave policije USK-a.

IV

Ovom Naredbom stavljaju se van snage Naredbe, broj: 15-40-4-3326-7/20 od 23.03.2020. godine i broj: 15-40-4-3326-12/20 od 26.03.2020. godine.

V

Ova Naredba stupa na snagu danom donošenja.

KOMANDANT KANTONALNOG ŠTABA
CIVILNE ZAŠTITE USK-a
mr.sci.Mustafa Ružnić

